

詩

益

詩益卷之十七

金壇後學劉始興

字子彥一字韶江

纂

小雅上

序說政有大小故有小雅焉有大雅焉今按小雅首二

十二篇

鹿鳴至菁菁者莪

如采薇出車采芣苢露形弓之屬多

言天子朝會燕饗征伐之事皆政之大者豈得云小事

乎若謂大雅上陳后稷公劉大王王季文武之詩小雅

惟著宣王以下此時世盛衰不同耳非政有大小也二

雅凡美刺宣幽諸詩辭事多相類故不得復分大小也

孔氏疏小大變雅由音體有小大朱子亦序說義未合謂各以其聲附之辨見下夾深鄭氏說

故朱子集傳從闕不載朱子大序註亦仍用序說云小雅王政之小事大雅王政之大

薛而集傳附之至諸家如李迂仲李氏曰小雅主一事大雅泛言天下事蘇頌演

蘇氏曰小雅言政事得鄭漁仲鄭氏曰雅有小大陳少南

失大雅言道德存亡陳氏曰小雅皆經營內又各自立義與序說不同而

皆未可通故不復詳辨今解具詩次問

漢唐先儒舊說小雅鹿鳴至菁菁者莪二十二篇大雅

文王至卷阿十八篇為正雅小雅六月大雅民勞以下

為變雅今按先儒說於大雅義尚無害若小雅自鹿鳴

至菁菁者莪二十二篇。楚茨至車牽十篇。魚藻采芣二篇。黍苗罔柔二篇。孤莪一篇。皆天子朝會祭祀燕饗樂歌之詩。今分鹿鳴以下二十二篇爲正小雅。楚茨以下十五篇爲變小雅。此義之不可通者。故復改正之。詳見本傳。

左氏春秋傳季札觀樂篇曰。小雅周之衰。

杜預左傳註釋衰義爲小。

謂則德尚小之時。曲解無理不可從。服虔謂爲衰微之衰。謂幽厲時。其說是也。劉炫亦云。杜解錯誤而以服言爲文中子曰。小雅烏乎衰。其周之盛乎。今按二說不同。

然以詩義分考之。則皆可通。蓋左氏所稱以小雅六月

以下宜幽時詩而言。故曰周之衰。王氏則謂小雅首鹿鳴以下。及後楚茨以下。凡燕饗樂歌諸詩。多作於文武成周之世。故曰周之盛也。然燕饗樂歌內。如常棣采芣出車等篇。亦有不盡出於周之盛者。說詳後本篇下。

魯齋王氏曰。風雅之別。朱子答門人之問。亦不一。有聲調不同之說。有體製不同之說。有辭氣不同之說。今按風。風也。教也。風主於教化感應。凡天子諸侯之國。皆有之。雅。惟著天子之詩。而周室之盛衰王道之興廢。始終備焉。此風雅分別之大義也。風又有在上在下之別。上

所以風也。下所以應也。其在上者。蓋多學士大夫之作。而在下者。則民俗歌謠之辭。過半焉。風又兼有風土義。然以風化爲主。而風土在其中。雅者。正也。常也。謂天子正樂之常歌也。故夫子以鹿鳴以下二十二篇爲二雅之冠。以其爲燕饗樂之詩。雅所由作。亦雅所由名也。而追述先王先公之德之詩。繼作焉。後世衰政諷刺之詩。又繼作焉。凡此風雅分別之義。學者所當深曉。至於聲音辭句。諸說各居一端。而未可拘泥。已略具前王風辨。讀者參觀之可耳。

夾深鄭氏論三百篇皆以聲別故歌則各從其國之聲朱子集傳亦謂變雅各以其聲附之愚按國風二雅亦有不可盡以其聲辨者如二南同美文王之化而其詩又多雜出南國之人幽風名幽而非作於幽今分三國之聲可乎邯鄲衛不可分說已見前二雅刺厲幽諸詩

非古者樂章所用辨已見前至於小大之分固有義在說詳詩次問今不辨其義而惟辨其聲可乎古樂之淪

亡久矣聲音之道已不可復考若夫三百篇之義至今猶在學者舍彼取此非所安也先儒謂聲調之謬

朱子晚年不取。蓋有深意矣。然則集傳云云。母亦當日未及改正之論與。

鹿鳴

序說燕羣臣嘉賓也。既飲食之。又實幣帛筐篚以將其厚意。然後忠臣嘉賓得盡其心矣。朱子集傳序以此爲燕羣臣嘉賓之詩。燕禮亦云。工歌鹿鳴四牡皇皇者華。卽謂此也。鄉飲酒用樂亦然。而學記言大學始教。宵雅肄三。亦謂此三詩。然則又爲上下通用之樂矣。豈本爲燕羣臣嘉賓而作。其後乃推而用之鄉人也與。今按小

雅首鹿鳴以下諸篇皆天子燕饗羣臣樂歌所用之詩
朱子云上下通用者蓋後世變禮之事則然耳非當日
作詩本意也說已見前總辨

常棣

序說燕兄弟也閔管蔡之失道故作常棣焉朱子曰國
語富辰之言以爲周文公之詩春秋傳又以爲召穆公
思周德之不類故糾合宗族於成周而作此詩二書之
言皆出富辰且其時去召穆公未遠不知其說何故如
此杜預以作詩爲作樂而奏此詩恐亦非是今按小序

從左氏外傳說。朱子集傳亦仍其義。而辨說未有定論。
竊據篇意考之。其二章曰。死喪之威。兄弟孔懷。三章曰。
脊令在原。兄弟急難。四章曰。兄弟鬩於牆。外禦其務。言
此數者。所以明兄弟天倫之好。異於他人。故曰。凡今之
人。莫如兄弟。然皆世俗之常情。而與周公管蔡當日事
勢異矣。昔者武王既喪。成王新立。周公輔之。二叔不哀
武王之喪。而興流言之誘。是不懷死喪也。武庚爲亂。二
叔助之。是不急難。反爲難也。二叔因與周公流言之隙。
遂外助武庚爲亂。是聞牆而不禦務也。篇中所言。與周

公管蔡當日情事相反。若云反言相況。則下文第五章
喪亂既平云云。便不宜作此等
轉語矣。讀
者詳之。左氏內傳說蓋近之外傳不足據也。

天保

序說下報上也。君能下下以成其政。臣能歸美以報其
上焉。鄭氏箋下下。謂鹿鳴至伐木。皆君所以下臣也。臣
亦宜歸美於王。以崇君之尊而福祿之以答其歌。朱子集傳

說略

同。今按序說及鄭氏箋義善矣。但鹿鳴至此六篇。或

孔子編次如此。當日恐非一時之作。

以常棣一篇證之可知。

卽後

世工歌亦宜依事分類。未必同時並用也。上下答歌之

說正未可深泥耳

采薇

序說遣戍役也。文王之時。西有昆夷之患。北有獫狁之難。以天子之命。命將率遣戍役。以守衛中國。故歌采薇以遣之。出車以勞還。杕杜以勸歸也。朱子曰。此未必爲文王之詩。以天子之命者。衍說也。今按此篇同下出車篇。以後六月采芑及大雅常武篇考之。蓋皆周宣王時詩。大雅常武。王命卿士。南仲大祖。南仲。宣王時卿士。辨見常武本篇。漢書古今人表亦以南仲爲宣王時人。故與召虎方叔仲山甫諸人同列。今

出車曰王命南仲往城于方則出車爲宣王之詩明矣

采薇與出車同次又後六月采芑言伐獫狁采薇出車

亦以伐獫狁爲言則伐獫狁蓋宣王時事而采薇出車

之並爲宣王詩又明

或云伐獫狁不必宣王時有之然此四詩並以伐獫狁爲言而出車

六月采芑既皆爲宣王時詩則采薇可知孔子以采薇出車同次義例亦易明漢書匈奴傳亦

以六月出車爲宣王之詩蓋有本也小序毛鄭氏惟誤

解常武篇義

並見後常武篇

疑南仲爲文王時人遂以此篇爲

文王之詩朱子未有明辨故今更正之又序說此篇云

遣戍役

朱子集傳同

今玩篇意乃戍卒自作非爲遣戍樂歌

作也。說詳詩次問及本傳。

出車

序說勞還率也。今按此篇辨已見上。又按篇意蓋宣王時將率所作。非爲勞率樂歌作者。說並見詩次問。

詩曰。黍稷方華。鄭箋云。朔方地六月時。又王風黍離篇孔氏疏云。黍秀稷尚苗。六月時也。孔氏又云。稷七月時。稷實八月時。蓋朔方與中國地異。故二說不同如此。今並存之。

杕杜

序說勞還役也。朱子曰。同上。今按此篇辨亦同上。

或疑采薇出車杜三篇作勞遣者代設之辭似亦可通。愚按四牡燕勞使臣雖亦代爲使臣之言然篇末曰是用作歌將母來諗則其爲代設之辭明矣。今此三篇前後文義並未見代設之意而云勞遣之詩非作者本旨也。

魚麗

序說美萬物盛多能備禮也。文武以天保以上治內。采薇以下治外。始於憂勤終於逸樂。故美萬物盛多可以告於神明矣。今按此篇序說泛不切詩意。故從朱子刪。

之。但天保以上治內云云。解以上諸篇次序之義極合。
詳見詩大序。至其作詩時世。則不可考。而云文武者誤。
朱子譏之是也。朱子曰。說者分魚麗以上爲文武。詩。鳥獸以下爲成王詩。其誤甚矣。

南陔

朱子集傳。毛公以南陔以下三篇無辭。遂升魚麗以足。
鹿鳴什數。而附笙詩三篇於其後。因以南有嘉魚爲次。
什首。故依儀禮正之。今按儀禮鄉飲酒及燕禮。工歌鹿
鳴。四牡。皇皇者華。笙入堂下。樂南陔。白華。華黍。乃閒歌。
魚麗。笙由庚。歌南有嘉魚。笙崇邱。歌南山有臺。笙由儀。

蓋當時樂歌篇第如此。孔子論次雅詩。恐當以義爲斷。不唯其聲歌之先後也。儀禮二南最後歌。今其詩列國風首。又儀禮歌鹿鳴。四牡皇皇者華後。卽樂南陔白華華黍。今開以常棣伐木以下等詩。則知孔子編詩。不依樂歌次序明矣。又考毛氏舊本。以鹿鳴至華黍十三篇爲一什。而以南有嘉魚爲次什首。故鄭氏云。毛公分小序。置各篇端。闕其亡者。以見在爲數。非孔子之舊。依鄭氏說。毛氏固未嘗倒易篇第也。今復從毛氏之舊。詳見本傳。惟詩分什說詳見詩次補音。

南陔白華華黍三篇序云有其義而亡其辭。朱子曰。南陔以下。今無以考其名篇之義。然儀禮曰笙曰樂。曰奏。而不言歌。則有聲無辭明矣。篇第在此者。意古經篇題之下。必有譜焉。如投壺魯鼓薛鼓之節。而亡之耳。郝氏仲輿曰。樂由心生。聲由辭出。有辭然後有聲。聲無辭不成章。王者作樂。頌功德。未有有腔無辭之樂。所謂鼓瑟而歌者。手彈口和。故曰歌。口吹而辭奏乎其中。故曰笙。曰樂。曰奏。序謂亡其辭者是也。今按朱子謂笙詩有聲無辭。郝氏仲輿復辨從序義說。

亦可通存之。

南有嘉魚

序說樂與賢也大平君子至誠樂與賢者共之也朱子曰序得詩意而不明其用其曰大平君子者本無謂說者又以專指成王皆失之矣今按此篇序說與朱子集傳大意略同但朱子云序不明其用者亦謂上下通用之樂耳辨已見前至此篇時世從闕說者謂專指成王時固或然而未可泥也。

詩二章曰嘉賓式燕以衍按朱子註易漸卦飲食衍

衍云衍衍和樂意故本傳采用之。

南山有臺

序說樂得賢也。得賢則能爲邦家立大平之基矣。朱子曰。序首句誤。詳見本編集傳。此亦燕饗通用之樂。今按此篇從朱子傳解。但所謂通用者。并同上耳。

由庚

由庚及下崇邱。出儀三篇。朱子依儀禮改易篇第。說已見上。但六月篇小序。註三篇次第。並依儀禮。惟魚麗仍舊。六月小序。總論鹿鳴以下二十餘篇之義。朱子指出車。杕杜後。次魚麗。次南陔。白華。華黍。皆仍毛氏舊本。惟

由庚以下。大南有嘉魚。大崇邱。大南
山有臺。大由侯。則依侯禮闕歌大序。
朱子曰。鄭氏誤分
魚麗爲文武詩。故移此序一句於南陔上。今考鄭箋。無
毛公倒易篇第之說。唐孔氏疏亦不言鄭氏移小序之
文。六月序說。或作者博采異義。以廣見聞。非必本詩次
第如此也。

序義

序說澤及四海也。朱子集傳。諸侯朝於天子。天子與之
燕以示慈惠。故歌此詩。今按此篇從朱子傳解。序義廣
靡不足取也。

蒿菁者莠

序說樂育材也。君子能長育人材，則天下喜樂之矣。朱子曰：序全失詩意。集傳此亦燕飲賓客之詩。今按此篇朱子傳解，明白清切，序說不足採也。

米芑

詩曰：薄言米芑。朱子集傳：芑，苦菜也。按陸璣疏云：芑似苦菜，今從陸氏義。

車攻

詩六章曰：兩駟不猗。朱子集傳：猗，偏倚不正也。又節南

山二章曰。有實其猗。鄭箋。猗。倚也。此並解猗從倚義。衛
風淇澳篇。猗重較之猗。義同。或謂猗有倚音。無倚義者
誤。

鴻鴈

序說。美宣王也。萬民離散。不安其居。而能勞來還定安
集之。至於矜寡。無不得其所焉。朱子曰。此以下時世不
可考。又曰。未見爲宣王之詩。今按鴻鴈至無羊十篇。既
次六月采芑車攻吉日宣王詩之後。節南山正月以下
幽王詩之消其義。又非若鴝鵒鵲巢朝雉祭祀燕

饗樂歌之類。明其爲宣王時詩甚明。序說舊解。新而從之。可也。

庭燎

序說美宣王也。所以後之。以爲後者。王有雞人之官。凡國事爲期。則告之。以正其官。而罔夜早。晚。朱子集傳。王將起視朝云云。今按朱子集傳云王者宣王也。詳說見上。此篇恐無箴意。小序及鄭氏說。乃衍義耳。故今削之。

沔水

序說規宣王也。朱子集傳此憂亂之詩。今按此篇蓋宣王時同列相戒之辭耳。恐未有規王意。或曰篇中雖以兄弟邦人諸友爲言。而其規王之意自見言外。說亦可通。存之。朱子集傳不言宜王者。疑非宜王詩也。辨已見上。

鶴鳴

序說誨宣王也。鄭氏箋誨宣王求賢人之未仕者。朱子集傳此詩之作不可知其所由。然必陳善納誨之辭也。今按此篇誨宣王。鄭氏箋義惟據求賢一端。偏矣。解詳

本傳未下疑非宣王詩說見上。

祈父

序說刺宣王也。朱子集傳軍士怨於久役故呼祈父而告之。又曰序以爲刺宣王之詩說者云宣王三十九年戰於千畝王師敗績於姜氏之戎故軍士怨而作此詩。工鄭氏解如此。△考之詩文未有以見其必爲宣王耳。今按宣王辨說見上。但謂此詩作於千畝戰敗之時亦恐有未然耳。故今闕其說。

白駒

序說大夫刺宣王也。毛傳宣王之末不能用賢賢者有
乘白駒而去者。今按此篇朱子傳解亦不言刺宣王。今
從序說及毛氏義詳見本傳。

黃鳥

序說刺宣王也。毛傳宣王之末天下室家離散妃匹相
去有不由禮者。朱子集傳民適異國不得其所故作此
詩。今按此篇朱子傳解明白清切毛氏不及也。但所謂
宣王之末者義未可闕耳。

我行其野

序說刺宣王也。鄭氏箋宣王之末。男女失道以求外昏。棄其舊姻而相怨。朱子集傳民適異國。依其昏姻而不見收恤。故作此詩。今按此篇鄭氏箋義與朱子傳解不同。今從朱子。餘說同上。

斯干

序說宣王考室也鄭氏箋宣王於是築宮廟羣寢既成而繫之歌斯干之詩以落之今按此篇從序說及鄭氏箋義詳見本傳下篇同

舞羊

序說宜王考牧也。鄭氏箋厲王之時牧人騶虞。宜王始興而復之。至此而成。謂復先王牛羊之數。今按此篇說見上。

小雅下

節南山

序說家父刺幽王也。朱子集傳序以此爲幽王之詩。而春秋桓十五年有家父來求車於周爲桓王之世。上距幽王之終已七十五年。不知其人同異。大抵序之時世皆不足信。今姑闕焉可也。今按凡詩時世有不可闕者。

所謂必待時世名氏而明者是也。假如小雅此等詩若
皆闕其時世。則篇中云云。不知其所刺何王。所言何事。
誠恐無以見周道之盛衰。王政之得失。而小雅之義難
明矣。孟子曰。王者之迹熄而詩亡。詩亡。謂雅亡也。雅詩
終於幽王。平王東遷後降爲國風。故孟子曰雅亡。以此
言之。小雅詩自節南山以下至末。其並爲幽王時詩無
疑。又如正月十月之交大東之屬。本篇詩文明有據驗。
詳見其上下篇義。皆可例推。舊解斷而從之可也。唯中
後
闕楚茨信南山以下諸篇。祭祀朝會燕飲衆祿之作。則

不在此例耳。說詳見後。毛鄭氏舊解唯誤以楚夫等篇為刺幽王。其於篇意實不可通。朱子既削其說而於聖人編次小雅之義尙同。故併疑節南山以下為非幽王時詩。今說詳詩次門。家父說則已具本傳。

正月

序說大夫刺幽王也。今按詩八章曰赫赫宗周褒姒威之。褒姒。幽王嬖妾也。此篇詩文明有證據。序說無疑。

朱子集傳附或說云。此東遷後詩也。其言褒姒威之。有監戒之意。無憂懼之情。似亦道已然之事。非慮其將然之辭。今按篇中云云。正慮其將然之辭耳。非道

已然之事也詳見本傳或說未可據也

十月之交

序說大夫刺幽王也。今按詩四章曰。嬖妻曷方處。朱子集傳。嬖妻。卽褒姒也。據此。則朱子傳解。已從序說矣。又此篇蓋卽向邑之人所作。序云。刺幽王得之。云大夫者。非是。解見本傳。以下三小宛四篇。毛傳並同。序義唯鄒氏與作刺幽王詩。先儒皆不用其說。故今不復辨。

甫無正

序說大夫刺幽王也。今按刺幽王說同上。詩曰。宗周既

滅云云。朱子集傳附或說云。疑此亦東遷後詩也。愚直
或說亦未然。蓋此篇雖若道已然之事。然亦西周將亡
時詩耳。詳見本傳。又據篇內第四章語。乃幽王左右贊
御之臣所作。序曰大夫尤非是。

小旻

序說大夫刺幽王也。朱子集傳大夫以王惑於邪謀不
能進以從善而作此詩。今按朱子集傳云王者幽王也。
辨說見上。

小宛

序說大夫刺幽王也。朱子集傳此大夫遭時之亂而兄弟相戒以免禍之詩。今按此篇宜合序說及朱子集傳義乃得之。詳見本傳。

小弁

序說刺幽王也。大子之傳作焉。朱子曰此詩明白爲放子之作無疑。但未有以見其必爲宜臼耳。序又以爲宜臼之傳尤不知其所據也。今按孟子云小弁親之過大。據此一語可斷其爲幽王大子宜臼之詩。蓋大子者國之根本。國本動搖則社稷隨之而亡。故曰親之過大。若

枉尋常放子。則已之被讒見逐。禍止一身其父之過與
亂風七子之母不安其室等耳。何得云親之過大哉。又
詩二章曰。取敗周道。判爲茂草。我心憂傷。惄焉如擣。此
有傷周室衰亂之意。若尋常放子。其於國家事何有焉。
序說云云。今斷從之可也。朱子集傳云。夫子作此詩。序
又云。其傳代作。今並存之。詳
見本
傳。

巧言

序說刺幽王也。大夫傷於讒。故作是詩也。今按此篇序
說。與朱子傳解。大意略同。集傳亦云。大夫
傷於讒云云。但朱子不言

刺白王說已見前

卷伯

序說刺白王也。寺人傷於讒，故作是詩也。朱子集傳時有遭讒而被宮刑爲巷伯者。此詩今按序說未及被宮刑意，而集傳云云者，說本班固史遷贊其所以自傷悼。小雅巷伯之倫。但玩篇意未有明指，或恐此人既爲寺人後

復遭讒獲罪而作此詩。班固史遷贊以其言近似，故附及之。未可過泥也。今始從聞。詩五章曰：騷人好妬，勞人及之。末可過泥也。今始從聞。草草若指被宮刑言，但曰勞人曰草草，語意庸緩不切。

谷風

序說刺幽王也。天下俗薄，朋友道絕，焉。朱子集傳：此朋友相怨之詩。今按篇中未見刺幽王意。序說誤增此義，不可從也。其下云云，則與朱子傳解略同。

麥莠

序說：刺幽王也。民人勞苦，孝子不得終養耳。朱子集傳：無刺幽王語，餘略同。今按此篇說同上。

大東

詩曰：東人之子，西人之子。蓋其時周室未遷，故指列國

爲東人周室爲西人然則此篇爲西周時詩甚明

四月

序說大夫刺幽王也在位貪殘下國構禍怨亂並興焉
朱子集傳此亦遭亂自傷之辭今按此篇序說亦與朱
子傳解略同惟朱子不言刺幽王耳說已見前

無將大車

序說大夫悔將小人也朱子曰此序之誤由不識興體
而誤以爲比也詩傳此小行役勞苦而憂思者之作今
按此篇從朱子傳解詳見本傳

小明

序說大夫悔仕於亂世也。鄭氏箋詩人牧伯之大夫使
述四方之事。遭亂世勞苦而悔仕。朱子集傳大夫以二
月西征。至于歲暮而未得歸云云。今按此篇蓋亦周大
夫所作。鄭氏云牧伯之大夫非也。篇內亦未見悔仕意。
故朱子削其說。今從朱子。

鼓鐘

序說刺幽王也。毛傳幽王用樂不與德比。會諸侯於淮
上。鼓其淫樂以示諸侯。賢者爲之憂傷。朱子集傳王氏

曰。幽王鼓鐘。淮水之上。爲凍連之樂。久而忘返。聞者憂傷。而思古之君子不能忘也。今按朱子集傳載王氏說。與毛傳略同。但王氏不言會諸侯。與毛氏異。然凡作樂必因燕饗。燕饗必因朝會。其義可推而曉。毛氏說是也。或曰。書史不載幽王東遷事。書曰。淮夷徐戎並興。當成王時。徐淮之夷已不臣。則幽王豈得往會諸侯作樂耶。愚謂其說不然。大雅江漢常武言宣王平淮徐。則淮夷當宣王時已臣服矣。幽王卽東爲此會。豈得云無是事耶。書史傳聞蓋多闕略。不得據彼疑此也。

詩末章曰。以雅以南。以箚以笙。

不脩。幽王所用者。蓋卽先王之樂。但樂是而人非耳。毛氏云。幽王鼓淫樂者。其說非是。

楚茨

序說刺幽王也。政煩賦重。田萊多荒。饑饉降喪。民卒流亡。祭祀不饗。故君子思古焉。朱子曰。此篇至車辜凡十篇。辭多和平。稱述詳雅。無風刺之意。序以其在變雅中。故皆以爲傷今思古之作。詩固有如此者。然不應十篇相屬。而絕無一言以見其爲衰世之意也。竊恐正雅之篇。有錯脫在此者耳。序皆失之。集傳此詩述公卿有田畝者。力於農事。以奉宗廟之祭。今按朱子辨論詳矣。序

說無理信不足據也。但此篇蓋美天子祀事之詩。詳見本傳

朱子集傳公卿有田祿者云云。已附詳前總辨。朱子云

參錯簡本

附詳總辨

信南山

序說刺幽王也。不能修成王之業。疆理天下。以奉禹功。

故君子思古焉。朱子集傳此詩大指與楚茨略同。今按

此篇說亦同上。

甫田

序說刺幽王也。君子傷今而思古焉。朱子集傳此詩述

公卿有田祿者力於農事以奉方社田祖之祭今按此篇說亦同楚茨篇

詩二章曰以我齊明與我犧羊以社以方我田既臧
農夫之慶琴瑟擊鼓以御田祖鄭箋說秋祭社與四
方又祭田祖在孟春郊後始耕今按詩言方社田祖
承首章南畝耘耔黍稷薿之下又三者連類而言
則其祭當屬同時甚明說已略見本傳鄭氏云云蓋
其義本周禮月令明禮大司馬仲秋祀祈功方同故
鄭氏云秋祭四方月令孟春天子
乃以元日新穀於上屯乃擇元辰天子親載耒耜躬
耕帝藉鄭氏解孟春新穀爲正月郊又疑此祭田祖

事當在始耕時。然與詩意不合。蓋祀方社在秋而詩
牧事合其說。

蒙首章言之。文義既不相貫。又春祀田祖。秋祀方社。
亦不宜先言方社。後言田祖也。月令仲春命民社。此
祭社恐當在仲春時。祭四方及田祖。或即在其前後。
事雖略有蚤晚。而爲期附近。故三者連類及之。禮文
殘闕。不可盡考。姑依詩義存其說。侯後之君子。或曰。
此篇所言。乃因事遠時。致祭非祀典之常。不必據周
禮月令爲義也。此說亦可通存之。

天田

序說刺幽王也言矜寡不能自存焉朱子集傳此詩爲
農夫之辭以頌美其上若以答前篇之意也今按前篇
美天子春祀方社田祖之詩此篇美天子秋祀四方之
詩兩篇辭義相類而不相答故以補朱子傳解之闕詳
見本傳至序說尤無義理辨已見前

周禮篇章祈年田祖飲幽雅祭蜡飲幽頌或疑楚茨
以下四篇爲幽雅周頌思文臣工愷喜豐年載芣良
耜等篇爲幽頌朱子集傳亦附其說然幽國名也今
非幽國之風而強名幽可乎周禮云云蓋別有其

詩而今亡之。未可鑒說也。

瞻彼洛矣

序說刺幽王也。思古明王能爵命諸侯。賞善罰惡焉。朱子集傳此天子會諸侯於東都。以講武事。而諸侯美天子之詩。今按此篇從朱子傳解。詳見本傳。

裳裳者華

序說刺幽王也。古之仕者世祿。小人在位。則譏諂竝進。棄賢者之類。絕功臣之世焉。朱子集傳此天子美諸侯之辭。蓋以答瞻彼洛矣也。今按此篇說同上。朱子云答

瞻彼洛矣。義亦見前天保篇。

桑扈

序說刺幽王也。君臣上下動無禮文焉。朱子集傳此亦天子燕諸侯之詩。今按此篇說亦同瞻洛篇。

鴛鴦

序說刺幽王也。思古明王交於萬物有道。自奉養有節焉。朱子集傳諸侯所以答桑扈也。今按此篇朱子云答桑扈說見裳華篇。餘說同上。

頍弁

序說諸公刺幽王也。暴戾無親。不能宴樂同姓。親睦九族。孤危將亡。故作是詩也。朱子集傳。此燕兄弟親戚之詩。今按序說辨見前。但此乃天子燕兄弟親戚之詩。朱子傳說宜補。詳見前總辨。詩末章曰。死喪無日。無幾相見。樂酒今夕。君子維宴。其言迫而哀。蓋衰世之意與。朱子云。楚汰以下十篇。辭氣和平。詳雅。然此篇略與前後篇不同。讀者詳之。

車卒

序說大夫刺幽王也。褒姒嫉妬。無道並進。諛巧敗國。德

澤不加於民。周人思得賢女以配君子。故作是詩也。朱子集傳。此燕樂新昏之詩。今按此篇亦天子宴新昏之詩。朱子傳說宜補。餘說同上。

或疑類弁車牽二篇。詩中未見天子燕飲之意。又車牽三章曰。雖無旨酒。式飲庶幾。雖無嘉殽。式食庶幾。此等語意。似與天子昏姻之禮不合。愚謂其說不然。蓋嘗合小雅前後燕飲樂歌諸篇考之。凡天子與羣臣諸侯朝會燕飲之詩。其辭多交。而與兄弟夫婦朋友故舊燕飲之詩。其辭多質。何者。朝廷之分嚴。嚴則

不可以或褻。故多莊重雅麗之辭。所以尊國體也。兄弟夫婦朋友故舊之情。洽洽則不可以或泛。故多平易切實之辭。所以明恩誼也。故常棣燕兄弟。而以死喪急難。閱牆禦務爲言。伐木燕朋友。故舊而以民之失德。乾餱以愆。有酒酤我。無酒酤我爲言。此皆世俗常情之論。豈有以異於人哉。頌弁之燕兄弟。車奉之燕夫婦。皆此意耳。聖人編其詩於雅。所以明先王之道。近於人情。家庭之化。尊卑同體。故也。若謂天子燕飲之詩。必有鋪張夸大之語。此後世侈辭之失。而非

古者立言之體矣。至如車奉云云。乃過爲自謙之辭。以明親愛之意。豈真謂當日燕飲。遂無旨酒嘉穀之設哉。或者混此而疑非天子之詩。謬矣。

青蠅

序說大夫刺幽王也。朱子集傳詩人以王好聽譏言。故以青蠅飛聲比之。而戒王以勿聽也。今按朱子集傳云王者幽王也。此篇當從序說。辨見前節南山篇。

賓之初筵

序說衛武公刺時也。幽王荒廢。媒近小人。飲酒無度。天

下化之君臣上下沈酒淫放武公既入而作是詩也朱
子集傳韓氏序曰衛武公飲酒悔過也今按國風小大
雅載衛武公之詩三淇澳賓之初筵抑是也淇澳頌美
武公之德故列於風而賓之初筵抑以其刺厲幽故列
於雅若此篇但爲武公飲酒悔過而作卽宜與淇澳一
篇並列衛風復何與王朝事而列於雅乎又如篇內所
云醉後失儀之事至于號呶亂生側弁屢舞而不知恥
皆小人酗酒無禮之行武公衛之賢君雖曰飲而有過
亦何至於此而以之爲悔乎無而言之則爲自誣若謂

以他人自警。則卽刺時意矣。韓氏云云。不若序說清切。
故今復從之。詳見本傳。幽王飲酒無度。上下化之。令觀
前小宛篇可見。詳本故武公作此詩刺之。但其辭目隱
約。祇若自警者然。亦處亂世遠禍患之道耳。

魚藻

序說刺幽王也。言萬物失其性。王居鎬京。將不能自樂。
故君子思古之武王焉。朱子集傳。此天子無諸侯而諸
侯美天子之詩也。今按此下二篇。與前瞻洛賓華詩意
同類。義當從朱子傳解。小序謬說不足錄也。

朱子

序說刺幽王也。侮慢諸侯。諸侯來朝。不能錫命。以禮數徵會之。而無信義。君子見微而思古焉。朱子集傳。天子所以答魚藻也。今按此篇說見上。朱子云答魚藻。亦見前裳華篇。

角弓

序說父兄刺幽王也。不親九族。而好讒佞。骨肉相怨。故作是詩也。朱子集傳。此刺王不親九族。而好讒佞。使宗族相怨之詩。今按朱子集傳云王者幽王也。此篇宜從

序說同上青蠅篇

苑種

序說刺幽王也暴虐無親而刑罰不中諸侯皆不欲朝言王者之不可朝事也朱子集傳王者暴虐諸侯不朝而作此詩今按此篇說同上但序刑罰不中一語爲衍義耳

都人士

序說周人刺衣服無常也古者長民衣服不臥從容有常以齊其民則民德歸壹傷今不復見古人也朱子集

傳亂離之後人不復見昔日都邑之盛人物儀容之美而作此詩以歎惜之也今按此篇序多行說不若朱子傳解清切但亦由王時說其義當補耳

采綠

序說刺怨曠也幽王之時多怨曠者也朱子曰此詩怨曠者所自作非人刺之亦非怨曠者有所刺於上也集傳婦人思其君子云云今按此篇朱子詳說善矣餘說同上。

黍苗

序說刺幽王也不能膏潤天下卿士不能行召伯之職
焉朱子集傳宜王封申伯於謝命召穆公往營城邑故
將徒役南行而行者作此詩今按此篇小序云云乃曲
說也今從朱子傳解但此詩雖役人所作後世或用爲
勞役之樂歌此與前未敘以下三篇同例而不害於義故夫子採之
與下關雎荀同式不然此篇事實與大雅崧高相表裏
則其詩宜並入大雅矣何爲獨列小雅耶朱子集傳猶
闕此義今補見詩次問

序說刺幽王也。小人在位，君子在野，思見君子盡心以事之。朱子曰：此亦非刺詩，疑與上篇皆脫簡在此也。集傳：此喜見君子之詩。今按此篇與前菁菁者莪略同義。朱子傳解宜補序說同上。

白華

序說：周人刺幽后也。幽王取申女以爲后，又得褒姒而黜申后，故下國化之，以妾爲妻，以孽代宗，而王弗能治。周人爲之作是詩也。朱子曰：此事有據，序蓋得之。但幽后字誤，當爲申后刺幽王也。下國化之以下，皆衍說耳。

今按此篇朱子辨說明白故今從之詳見本傳

縣志

序說微臣刺亂也大臣不用仁心遺忘微賤不肯飲食
教載之故作是詩朱子集傳此微賤勞苦而思有所託
爲鳥言以自比也今按此篇合序說及朱子傳解乃得
之詳見本傳但朱子云爲鳥言自比詩既曰絲蠻黃鳥
止于邱阿則下文云云恐非鳥言矣故復酌易其義

錄

序說大夫刺幽王也上棄禮而不能行雖有牲牢饗餼

不肯用也。故思古之人不以微薄廢禮焉。朱子集傳此亦燕飲之詩。今按此篇義同前篇桑篇。小序辨說亦並見前。

詩首章曰幡幡瓠葉。二章三章四章曰有兔斯首。瓠葉燕飲時酒中所用。兔又庶羞之一。故詩人偶舉起興。以明白諒之意。非謂當時但用此饗賓也。魚雁言時物之盛。亦但以魚酒二者言之。當時所謂多且旨者。豈唯此二物哉。春官傳趙孟賦瓠葉。穆叔曰趙孟欲一獻。蓋瓠葉薄物。故趙孟假之。欲一獻。小序泥此。

遂云古人不以微薄廢禮。毛鄭氏復謂庶人燕飲之詩說益謬矣。

漸漸之石

序說下國剌幽王也。戎狄叛之。荆舒不至。乃命將率東征。役久病在外。故作是詩也。今按此下三篇並幽王時詩。序說云云是也。朱子傳解宜補。但篇內曰武人東征。而序因以戎狄荆舒爲言。恐亦是衍說耳。

君之華

序說大夫閔時也。幽王之時。西戎東夷交侵中國。師旅

竝起。因之以餘體。君子閔周室之將亡。傷已逢之。故作是詩也。今按此篇說見上。但序多衍義。又此恐亦非大夫之詩。詳見本傳。

何草不黃

序說。下國刺幽王也。四夷交侵。中國背叛。用兵不息。視民如禽獸。君子憂之。故作是詩也。今按此篇說見上。朱子集傳亦曰。周室將亡云云。其爲幽王時詩亦明。

終

詩益卷之十八

金壇後學劉

如愚

大雅上

文王

序說文王受命作周也。朱子集傳周公追述文王之德。明周家所以受命代商者皆由於此。以戒成王。今按此篇小序大意與朱子傳解略同。但先儒有文王受命改元稱王之說。朱子辨之已詳。今不復論。朱子曰漢儒或於識緯有赤雀丹鳥之說。又謂文王因此遂稱王。改元。不知天之所以爲天者。理而已矣。理之所在。衆人之心而已矣。今天下

詩益

卷十八

詩經辨

一

之心。既以文王爲歸矣。則天命將安往哉。書所謂天視自我民視。天聽自我民聽。乃謂此耳。豈必赤雀丹書而稱王改元哉。

又朱子集傳云。呂氏春秋引此詩。以爲周公所作。又曰。立之樂官。以爲天子諸侯朝會之樂。國語作兩君相見之樂。特舉其一端耳。說詳後雅歌辨下。大明縣同。

大明

序說文王有明德。故天復命武王也。朱子曰。此詩言王季大任。文王大姒。武王皆有明德。而天命之。非必如序說也。集傳此亦周公戒成王之詩。今按序意。以文王爲

主而推言之。非本篇詩人意也。朱子辨說善矣。又集傳云周公戒成王。已詳見本傳。下篇同。

解

序說文王之興。本由大王也。朱子集傳。此亦周公戒成王之詩。今按序意同上。然如此篇說。尚可通耳。

棧樸

序說文王能官人也。朱子曰。序誤集傳。此亦咏歌文王之德。今按此篇乃美文王之德之盛。而天下歸之。未見所謂官人意。序說不足錄也。今從朱子傳解。

早麓

序說受祖也。周之先祖。世修后稷公劉之業。大王王季申以百福于祿焉。朱子曰。序大謬。其曰百福于祿者。尤不成文理。集傳此亦以咏歌文王之德。今按前篇及此。並以文王作人爲言。下思齊篇亦言譽髦斯士。皆一意也。其爲美文王之德之詩信矣。小序固無義理。鄭氏箋解。因謂篇中君子指大王王季。說益謬也。

皇矣

序說美周也。天監代殷莫若周。周世世修德莫若文王。

朱子集傳此詩敘大王太伯王季之德以及文王伐密
伐崇之事也。今按此篇序說雖略重文王然大意與朱
子傳解略同。今詳見本傳。

詩六章言文王伐密。遂徙都程邑之事。程邑疑卽在
密地。故其詩曰。依其在京。侵自阮疆。步我高岡。無矢
我陵。我陵我阿。無飲我泉。我泉我池。言文王伐密而
密人既服也。又曰。度其鮮原。居岐之陽。在渭之將。其
看指密而言。以此推之。則文王徙都之地卽在密國
境內明矣。舊註密在寧州。今陝西平涼府靜寧州地。

程邑漢扶風安陵今陝西西安府咸陽縣地二者或
恐有誤當俟再考。

靈臺

序說民始附也文王受命而民樂其有靈德以及鳥獸
昆蟲焉朱子曰文王作靈臺時民之歸周也久矣非至
此而始附也其曰有靈德者亦非命名之意今按此篇
小序謬說朱子辨之詳矣但詩首章言經始靈臺始作
靈臺也一章言王在靈囿靈沼囿沼與臺同日發明其
爲臺下之囿臺下之沼靈臺始作囿沼亦始作也未二

章言辟廱辟廱亦始作於文王故連類及之若辟廱非始作則上二章方言作臺沼末二章忽及辟廱其於義爲不倫而篇意亦不通貫矣朱子傳說義有未盡故今補之詳見本傳朱子集傳引東萊呂氏說云連民樂之辭也又此篇之作蓋在成王周公時故追稱文王曰王其作臺沼辟廱不必同時亦不必同地先儒異義多端今無據可考闕之可也。

文王有聲

鄭譜此以上爲文武時詩以下爲成王周公時詩朱子

集傳文王篇曰文王在上則非文王時詩矣又曰無念
爾祖則非武王時詩矣大明有聲并言文武者非一安
得爲文武之時所作乎蓋正雅首成王周公以後之詩
但爲追述文武之德故譜因此而誤耳今按此條朱子
說最明曉故詳錄之

生民

毛鄭氏舊解詩末二章並言郊祀之禮朱子集傳分七
章爲廟祭八章爲郊祀今按此篇詩意本爲美郊祀后
稷配天而作末二章其本旨也又七章曰取羝以軋周

禮大駟掌馭玉輅以祀及犯軼王自左馭公疏曰

此據祭天而言故有犯軼之事蓋古者郊在國門外將

出行往郊必先為軼祭此惟外祀事有之若宗廟內祀

則恐無此禮詩七章既以軼祭為言其為往郊時事甚

明毛鄭氏舊解得之但謂陳后稷時郊禮毛鄭氏舊解如此則

無理不可從耳至章內唯詳郊祀備物之事故先言黍

稷次言炳蕭次言軼祭次言備烈皆錯舉之辭非依當

日行禮次序為說也讀者善體會之可耳或疑炳蕭及

恐唯廟祭有之然先儒推言郊禮禮經實無明文大槩

多依宗廟禮為說據此篇詩義推之則二者之禮郊祀

時亦宜有之。蓋炳蕭報陽而祿報陰。郊爲陽祀。故無蕭。禮而有燔柴。炳蕭猶燔柴意也。周人尚臭。郊祀時。或炳蕭與燔柴並行。所以重臭也。至後獻俎。廟祭在主婦後。先儒言郊祀大宗伯代后行禮。此燔烈俎。其在宗伯後。與杜氏通典馬氏文獻考二書。推言郊祀禮頗詳。然尙同此二條。宜採本篇詩意補之。

附較祭考。月令孟冬其祀行。鄭氏註在廟門外西爲

較壤厚二寸。廣五尺。

東西爲廣。輪四尺。南北爲輪。

北面設主於

較上。孔氏疏此常祀行神之壇則然。若國門外祖道祭其壇隨路所向。而爲廣輪尺數同也。按此條說較有四時正祭。有臨行時祖祭。其禮不同。或疑較正祭在廟門外。此篇七章作廟祭。說或可通。愚謂不然。蓋

詩七章既作廟祭。則上下文皆言宗廟祀事。卽不宜
中間旁及行神小祀。又鄭氏月令註。先儒或議其非。
謂宗廟崇奉祖宗之地。不當雜祭他神。馬氏端臨說。此論
實爲正大。禮經亡闕。漢儒註釋。多用臆見。固未可盡
據也。

行葦

序說忠厚也。周家忠厚。仁及草木。故能內睦九族。外尊
事黃耆。養老乞言。以成其福祿焉。朱子集傳疑此祭畢
而燕父兄耆老之詩。今按序說寬泛不切。朱子譏其失

詩本意隨文生義無復倫理信矣

朱子曰序見勿踐行章便謂仁及草木見

戚戚兄弟便謂親睦九族見黃者台育便謂養老見以

所育者便謂乞言見介爾景福便謂成其福祿隨文生

義無復倫理蓋此詩既次生民之後且下與既醉鳧鷖假樂

三篇同次其為祭畢燕飲之詩甚明

說見詩大問

又末章曰

曾孫維主曾孫主祭者之稱本篇詩文亦有據驗朱子

傳解義不可易今斷從之可也

詩三章因燕及射王肅舊解主燕射為說蓋祭畢之

燕或射與否禮無明文故近代學者或欲復從肅義

竊嘗據詩意推之古者射以觀德天子諸侯將祭必

與羣臣習射。射中者得與於祭。射不中者不得與於祭。此時同姓蓋不與焉。同姓當與祭者。昭穆成在。不得與。則唯異姓可知。及祭畢之燕。唯同姓在。或復與其父兄宗族。因燕及射。猶燕射然。所以厚同姓也。或疑燕禮在習射之地。然古者習射必有處。豈必其在廟寢內耶。禮經殘缺。此篇詩文。既明有據。驗則祭畢之燕。亦或有射矣。至其詳則有不可曉者。闕之可耳。

既醉

序說大平也。醉酒飽德。人有士君子之行焉。朱子集傳

此父兄所以答行葦之詩。今按序說失同上篇。蓋此篇自公尸嘉告以下。皆祭畢燕飲頌禱之辭。朱子傳解文義甚明。但云父兄各行葦。則說同小雅瞻洛裳華篇。是驚

序說守成也。太平之君子。能持盈守成。神祇祖考安樂之也。朱子集傳。此祭之明日。擇而賓尸之樂。今按詩每章皆曰公尸燕飲。朱子傳解甚明。序說失同上二篇。鄭氏箋復以首章爲祭宗廟之尸。二章以下爲祭天地四方社稷山川七祀之尸。義尤悖謬。不足取也。

假樂

序說嘉成王也。朱子集傳疑是即公尸。所以答鳧鷖。今按此篇詩文。雖未明言祭祀之事。然上與既醉鳧鷖二篇同次。蓋亦祭畢燕飲頌禱之辭。今從朱子傳解。但朱子云公尸答鳧鷖。說同既醉。

大雅下

民勞

序說召穆公刺厲王也。朱子集傳序以此爲召穆公刺厲王之詩。以今考之。乃同列相戒之辭耳。今按此篇序

與朱子說宜並存之下板篇同詳見本傳。

板

序說凡伯刺厲王也。朱子集傳序以此爲凡伯刺厲王之詩。今考其意亦與前篇相類。但責之益深切耳。今按此篇說見上。

抑

序說衛武公刺厲王亦以自儆也。朱子集傳引國語說衛武公年九十五作諄戒以自儆。韋昭讀諄爲抑云。卽此篇。今按篇內十一章雖口亦聿旣耄乃預道後日之

辭而前後凡自稱小子者三蓋武公少時初卽位而作

解見本傳若如國語云云天下豈有九十餘之老人其

作詩乃自稱小子者乎

變源詩氏云武公老矣使人謂其小子可謂不自盈滿便見溫

柔之意轉其

疑所謂懿戒者或別有其詩而今亡之

韋昭牽合之論未足據也故今復從序義但玩篇內大

旨惟三四兩章及末章寓刺王意餘皆自傲之詞

詳見本傳

毛鄭氏舊解竝作刺王其說多不可通耳朱子譏之是

矣

朱子辨說大意以詩以小子目其君而百放之無人臣之禮厲王暴虐爲甚徒以駢令威儀爲諱切之誠

緩急失宜或以史記之年不合而以爲追刺則所

謂聽用我謀庶無大悔非所望於既往之人云云

史記

年表武公卽位在宣十六年。孔氏疏云卽位於三十六年者誤。今依此篇之義推之。武公蓋卽位於厲宣之間。與張耒詩說云武公嘗仕於厲王時。恐或有所本也。

松高

序說尹吉甫美宣王也。天下復平。能建國親諸侯。褒賞申伯焉。朱子曰。此尹吉甫送申伯之詩。因可見宣王中興之業耳。非專爲美宣王而作也。下二篇放此。今按此下三篇。序說朱子傳解略同。惟序歸重美宣王。微有異耳。朱子辨說分別清楚。讀者宜玩。或曰本篇詩人亦有美宣王意。說亦可通。

丞民

序說尹吉甫美宣王也。任賢使能。周室中興焉。朱子集傳。宣王命樊侯仲山甫築城於齊。而尹吉甫作詩以送之。今按此篇說見上。

韓奕

序說尹吉甫美宣王也。能錫命諸侯。朱子集傳。韓侯初立來朝。始受王命而歸。詩人作此送之。序亦以爲尹吉甫作。今未有據。下篇召穆公凡伯放此。今按此篇說見上。序云尹吉甫。蓋其說或有所本。而無害於義。故今存。

之下召穆公凡伯同。

常武

詩首章曰王命卿士南仲大祖。大師皇父整我六師以修我戎。大祖之大讀從本音南仲。皇父並宣王時人。漢書古今人表可證。大祖猶云出祖。解見本傳。宣王命南仲出祖。併命皇父整師修戎。及下章命程伯休父陳行戒師旅爲三事。故下文曰不聞不虞三事就緒也。詩文本明白易解。鄭氏箋義讀大從泰云以南仲爲大祖。今大師皇父云云。本句語意既嫌其大曲。依鄭氏箋解或皇父爲南仲之

太祖文皇帝。乃而。若皇父謂南仲為太祖。即
當云大師皇父。太祖南仲矣。讀者詳之。而下文三事
就緒句。亦不可解矣。朱子集傳三事
就緒句義從同。朱子集傳未改正
其義。故今酌補之。

周頌

清廟

序說祀文王也。周公既成洛邑。朝諸侯。率以祀文王焉。
朱子集傳說同。今按此篇未見成洛邑朝諸侯之意。竊
疑作洛大事也。如為洛邑既成。朝諸侯。率以祀文王而
作此詩。則頌體雖云簡質。亦宜略著此意。不當泛如篇

內云云也。今自維天之命以下諸詩，朱子既消切篇意，刊除序說謬誤，而此篇仍舊，故復推廣朱子之義而併闕之。

維天之命

序說大平告文王也。朱子曰：詩中未見告大平之意，集傳此亦祭文王之詩。今按此篇詩意，序所謂告大平者，衍義耳。朱子辨說善矣，餘見本傳。

維清

序說奏象舞也。

孔氏疏：文王時有用兵擊刺之法，武王作樂象而爲舞，號曰象舞。按象舞，文王

樂也。左傳作象箏。鄭氏誤解禮記象武爲武王樂。孔氏因謂大武亦名象。詁無理不可從。詳後雅歌辨。朱子曰。詩中未見奏象舞之意。集傳此亦祭文王之詩。今按詩曰。維清維熙。文王之典。如依序說。所謂文王之典者。當卽指象箏言矣。下文乃云肇禋。迄用有成。維周之禋。上句方言功伐。而下文忽及祀事。辭義豈融洽耶。故今從朱子傳解。

朱子疑此篇有闕文。今按詩首曰。文王之典。凡周之禮樂法度皆是焉。而下文但以祀事爲言。故朱子疑其闕文。但玩篇意。首句雖若泛指。蓋祀典亦在其中。

首句先推廣之下文乃切指之義理通貫恐非有闕也。

烈文

序說成王卽政諸侯助祭也。朱子曰詩中未見卽政之意。集傳此祭於宗廟而獻助祭諸侯之樂歌。今按周室祭祀之禮固多定於成王周公之世然曰成王卽政篇中實未及此意。朱子削之是也。

天作

序說祀先王先公也。朱子集傳此祭大王之詩。今按此

篇先儒泥小序說或云時祭或云禘祭謬論頗多然考詩辭雖兼及文王而唯以大王治岐言之則其爲祭大王之詩明矣故今從朱子傳解。

昊天有成命

序說郊祀天地也朱子集傳此詩多道成王之德疑祀成王之詩也又云國語叔向引此詩而言曰是道成王之德也成王能明文昭定武烈者也以此證之則其爲祀成王之詩無疑矣今按此篇詩意及國語說朱子傳解明白有據小序謬義不足辨也。

詩經
卷之八
時邁

序說。廋守告祭柴望也。朱子集傳。此廋守而朝會祭告之樂歌。今按春秋傳引此詩云。昔武王克商。作頌云云。而外傳又以爲周文公之詩。今合春秋內外傳及小序說解之。蓋武王克商後。廋守告祭柴望。而周公作此詩。後世或用爲廋守祭告之樂歌耳。詳見本傳。但朱子集傳說兼言朝會。夫朝會樂歌。有雅詩。蓼蕭湛露。瞻洛表華。諸篇在。此則其告祭柴望之樂歌耳。故不列於雅而列於頌。夫子曰。雅頌各得其所。此之謂也。

執競

序說祀武王也。朱子集傳此祭武王成王康王之詩。今

按篇中明言成康而序祇云祭武王。朱子辨說已詳。朱子

曰。毛鄭舊說定以頌爲成王之詩。周公所作。故凡頌中

有成王及成康字者。例皆卽爲之說。以附已意。其迂滯

僻澀。不成文理。甚不難見。而古今諸儒未有覺。但此篇

其謬者。獨歐陽公著時世論。以斥之。其辨明矣。

以昊天有成命篇例之。當爲祭成王康王之詩。首言武

王。所以推本之。猶昊天有成命篇首言二后也。詳見本

傳。至一篇詩兼祭二王。則其說有不可曉者。姑闕之。可

耳。

思文

朱子集傳

朱子此條見時邁篇今附辨於此。

左氏外傳云金奏肆夏樊

遏渠天子所以享元侯也韋昭注肆夏一名樊韶夏一

名遏納夏一名渠卽周禮九夏之三也呂叔玉云肆夏

時邁也樊遏執競也渠思文也今按左氏外傳及韋氏

呂氏說以時邁執競思文三篇爲肆夏樊遏渠而天子

享元侯用之皆於本篇義未有取說詳後雅歌辨蓋所

謂肆夏樊遏渠者或別有其詩而今亡之韋氏呂氏率

合之論未足據也朱子集傳附載其說而未有明辨故

今補之。

臣工

序說諸侯助祭造於廟也。朱子集傳此戒農官之詩。今按此篇朱子傳解明白清切。序說不足採也。或疑戒農官詩不宜列於頌說已詳詩次問。

此篇蓋成王時戒農官之詩。下篇曰噫嘻成王。既昭假爾。戒農官蓋始於成王時。此篇在噫嘻前。其爲成王戒農官之詩蓋信。又此戒農官當在暮春時。故其詩曰。嗟嗟保介。維莫之春也。

噫嘻

序說春夏祈穀於上帝也。朱子集傳此連上篇亦戒農官之詩。今按此篇說同上篇。

詩曰噫嘻成王。既昭假爾。此康王以後戒農官之詩。或曰此卽康王戒農官之詩。今考頌詩迄於成康云。康王戒農官說亦可通。此戒農官當在成王廟。故詩以成王昭假言之。戒農官在成王廟則此篇信康王時詩乎。又前篇戒農官在暮春時。此篇曰率時農夫播厥百穀。則又在春初矣。戒農官無常期。凡耕耨及

時祭後皆可行之賦

豐年

序說秋冬報也。鄭氏箋報者嘗也。烝也。今按詩曰。爲酒
爲醴。烝畀祖妣。以洽百禮。雙湖胡氏云。此年穀始登而
祭宗廟之樂歌。胡氏說與詩意合。故今從之。詳見本傳。
朱氏克升云。朱子集傳初本亦作穀始登而薦宗廟之
樂歌。故辨說云序誤。然考鄭氏箋義。則此篇序說原未
嘗誤耳。

離

序說禘太祖也鄭氏箋禘大祭也大於四時而小於祫

太祖謂文王朱子集傳此武王祭文王之詩今按此篇

朱子傳解明白清切詳見本傳但據序說及鄭氏箋義

云太祖文王蓋亦作祭文王之詩唯所謂禘者與朱儒

說有異耳

漢儒祭禘祫義一則合祭於大廟一則各就其廟祭之今祭為祫就廟為禘禘大於四時

祫大於禘至宋儒從王肅論據禮記祭法及大傳以祭太祖自出之帝為禘合食毀廟羣主為祫其說不同

周禮鄭氏

康成

說以此篇為祭畢徹俎之詩今按詩曰

有來雝雝至止肅肅言請侯始來助祭也又曰於薦

廣牡相予肆祀復言方薦牲陳祀之事若此篇果為

：徹祭而作，則篇內當略味其事。如小雅楚茨五章所云者，今乃以方祭時言之，何其辭事不稱，乃爾乎。論語三家以雍徹，夫子曰：奚取於三家之堂。今以詩意考之，不唯三家之堂，於義無取，併徹祭亦無取爾也。蓋三家歌雍詩而不辨其義，至於干犯名分，無所顧忌，且以大夫而僭天子之樂矣。其用之徹祭，或亦當世沿襲之誤，豈必有合於作詩本義耶。夫子但責其僭竊之罪，其他則略而不言，所以權其義之輕重耳。鄭氏惟誤解論語，遂附會其說。朱子集傳亦未有明

辨故詐論之。

武

序說奏大武也。朱子集傳。周公象武王之功。爲大武之樂。又云。春秋傳以此爲大武之首章也。今按周公作大武之舞。以象武王之功。旣成而歌此詩奏之。故名爲武。春秋傳引此爲大武卒章。蓋歌此詩於大武之後。故曰卒章。猶國語曰。亂也。朱子集傳云。春秋傳引此爲大武首章者。蓋傳寫之誤。餘見後酌桓篇。

載爻

序說春藉田而祈社稷也。朱子集傳此詩未詳所用。然
意與豐年相似。其用應亦不殊。今按篇首至烝粢祖妣
以洽百禋廿四句。卽豐年首六句意也。有飴其香以下。
皆頌禱之辭。序說失之。朱子傳解見豐年篇。

良邦

序說秋報社稷也。朱子集傳無明解。今按此篇與前篇
同次。而大意相類。蓋亦殆前篇之義耳。

詩曰。殺時特牲。爾雅釋畜曰。黑唇特。未嘗言黃牛也。
毛傳始云。黃牛黑唇特。孔氏疏云。釋畜直云黑唇特。

言黑唇明不與身同色故知黃牛觀孔氏云云知毛氏未有明據亦是以意爲說耳黃牛非祭宗廟之物故改從爾雅義說見本傳

絲衣

序說釋賓尸也朱子集傳此亦祭而飲酒之詩今按此篇當從序說詳見本傳

詩曰兕觥其觥鄭氏箋釋之旅士用兕觥變於祭也孔氏疏知至旅而用之者兕觥所以罰失禮今按儀禮禮記言祭祀唯用爵解角散之屬無及觥者而兕

觥罰爵之說亦不見爾雅。毛氏周南卷耳傳。唯云兒
觥角爵。至鄭氏始依周禮觥罰之文而云罰爵。考凡
詩言兒觥者非一。周南卷耳。豳七月小雅桑扈及碩
此篇皆有之。如云罰爵則古者天子諸侯朝會祭祀
燕飲或宜設之以爲羣臣失禮者戒。如小雅桑扈及
碩此詩說猶可通。若彼宮中后妃何爲亦用此爵而
幽人之婦公堂者。舍他爵不用而獨以罰爵上獻。義
何取乎。竊疑觥卽禮所謂角而非罰爵也。故毛傳祇
云角爵。朱子亦云周禮觥罰但謂以觥罰之耳。非必

肅專爲司爵也。以此言之。鄭氏孔氏之說其失明矣。

酌

序說告成大武也。言能酌先祖之道以養天下也。朱子

曰詩中未見酌先祖之道以養天下之意。今按酌桓賚

般四篇。據左氏春秋傳說。卽所謂大武也。

春秋傳音武王克商作武。

其卒章曰。耆定爾功。其三曰。鋪時繹思。我徂維求定。其

六曰。綏萬邦。屢豐年。武卒章今武篇也。其三今賚篇。其

六今

桓篇。但今詩各分篇立名。而左氏不同者。蓋左氏以此

四篇並爲大武之詩。故與前武篇合數之。其以桓爲大

武之六者誤也。至序說則朱子辨論已明。

禮記內則十三舞勺。勺。鄭氏儀禮註引酌篇孔氏疏云言十三之時學此舞勺之文舞也。今按此篇既爲節武舞之詩恐不得復爲勺舞樂章。先儒以酌勺音近故附會之。其實蓋非一詩也。

相

序說講武類禘也。朱子集傳序以爲講武類禘之詩。豈後世取其義而用之于其事也與。今按此篇爲大武歌詩。左氏已有明據不得復如序說也。餘見本傳。

賁

序說大封於廟也。朱子集傳春秋傳以此爲大武之三
等。而序以爲大封於廟之詩。說同上篇。今按此篇說見
本傳。

殷

序說。廵守而祀四嶽河海也。朱子集傳殷未詳。今按殷
篇說亦見本傳。

魯頌

朱子集傳舊說皆以爲伯禽十九世孫僖公申之詩。今
無所考。獨閟宮一篇爲僖公之詩無疑耳。今按周成王

賜魯伯禽天子禮樂蓋其時魯雖僭用天子樂章然未
嘗自作詩奚以知其然頌者宗廟祭祀之樂歌使魯伯
禽時嘗僭作頌詩則必有祭周公詩如祭文王清廟維
清之類及夫子明詩時宜有存者又自伯禽以下至魯
僖凡十五公若皆嘗作頌詩其間必有一二明文可據
知爲某公詩者夫子既不刪僖公詩矣豈反削其先代
之作耶今魯頌之存者惟四篇而其間有明文可據者
又惟僖公一人則可知魯前此之未嘗作詩而小序季
孫行父請命於周云云其說必有所本而不可廢矣詳

見下駟篇

駟

序說頌僖公也。僖公能遵伯禽之法。儉以足用。寬以愛民。務農重穀。牧於圉野。魯人尊之。於是季孫行父請命於周。而史克作是頌。朱子曰。序事實無可考。詩中亦未見務農重穀之意。今按序說已見上。其務農重穀云云。但因詩中美僖公之德。有思無疆。思無敦等語。故作推原之論如此耳。似亦可通存之。

有駟

序說頌僖公君臣之有道也。朱子曰：此但燕飲之詩，未見君臣有道之意。今按魯人作此詩，正欲見僖公君臣有道之意耳。首章曰：夙夜在公，在公明明，臣有道也。末章曰：君子有穀，貽孫子。君有道也。此雖夸大失實，然作者之意固如此。序說未可廢也。

泮水

序說頌僖公能修泮宮也。朱子曰：此亦燕飲落成之詩，不爲頌其能修也。今按僖公修泮宮事，不見春秋。又詩五章以下，言僖公平淮夷之功。春秋亦未有僖公伐淮

夷事安成劉氏曰。春秋不書常事。故作泮宮之事。二十
公皆無所見。僖公十三年。從齊桓會於鹹。爲淮夷病杞
十六年。從齊桓會於淮。爲淮夷病。鄆僖公嘗從齊桓平
淮夷。故詩頌美之。但篇中云云。有過其實者。則魯人之
溢辭耳。由此言之。此篇爲僖公之詩。甚明。至爲燕飲落
成作詩。卽有頌其能修意。序說亦無礙也。

商頌

烈祖

序說祀中宗也。朱子曰。此詩未見其爲祀中宗。而未言

湯孫則亦祀成湯之詩耳。今按此篇朱子傳解明白。戶說誤矣。

玄鳥

序說祀高宗也。朱子集傳未有明解。今按詩曰商之先后受命不殆。在武丁孫子。詩既言武丁孫子。又曰先后。其爲祀武丁孫子之詩。而非祀高宗明矣。詳見本傳。

尙書無逸篇稱殷高宗後卽稱祖甲。孔氏安因史有

祖甲亂之七世而殞語。遂以祖甲爲大甲。蔡氏註說辨之已詳。今援此篇詩文証之。蔡氏說益信。學者參

觀之可耳。

長發

序說大禘也。朱子集傳大禘不及羣廟之主。此宜爲禘祭之詩。然經無明文不可考也。今按此篇蓋商大享之詩。說見本傳。商制大享或別立祭名亦未可定。然說無可考。闕之可耳。

詩經卷之十八終